

**Provsteqarfinni ataatsimiititalianut il.il. qinersisarneq pillugu Namminersornerullutik Oqartussat nalunaarutaat nr. 30, 27. juni 1994-imeersoq Atuussimasoq (Historisk)**

Ilageeqarneq pillugu inatsisartut peqqussutaanni nr. 15-imi 28. oktober 1993-imeersumi § 12, imm. 5 naapertorlugu aalajangersarneqarput:

**Kapitali 1.**

**Qinersinissamut piareersarneq**

§ 1. Ukiumi ilagiit sinniisaannut qinersiffiusumi provsteqarfinni ataatsimiititalianut qinersisoqartassaaq majip qaammataani.

§ 2. Ilageeqarnermut naalackersuisup biskoppip inassuteqarnera malillugu ulloq suna qassinullu qinersisoqarnissaa aalajangissavaa, tamannalu nalunaarutigissallugu qinigassanngortinniarluni nalunaaruteqarnissamut killiliussaq ilanngullugu.

§ 3. Provsteqarfinni tamani palaseqarfiit qinersinermut siulersuisuisa provsteqarfimmi ataatsimiititaliamut qinersinissaq piareersartassavaat qinigaasullu nalunaarsuusiortassallugit. Palaseqarfiup pisortaqarfittut siulersuisuata qinersinermi siulersuisunik pilersitsinissaq isumagissavaa.

Imm. 2. Qinersinermi siulersuisut inuttarissavaat palaseqarfiup pisortaa ilagiillu sinniisaat marluk illoqarfimmi ilagiit sinniisuisa qinikkat akunnerminnit qinigaat. Palaseqarf iup pisortaa qinersinermi siulersuisunut siulittaasuussaaq.

§ 4. Ulloq taasivissaq nalunaarutigineqarniariparpat qinersinermi siulersuisut palaseqarfimmi qinersisinnaasut allattorsimaffiat suliarissavaat. Ilagiit sinniisui tamarmik allattorsimaffiliunneqassapput.

Imm. 2. Ilagiit sinniisuinut ilaasortat taasisinnaatitaapput.

Imm. 3. Ilaasortat ilagiit sinniisuinut qinigaareer simasut qinigaasinnaapput.

§ 5. Qinigassanngortitanik taakkualu sinniisussaannik nalunaarutiginninneq pissaaq nalunaaruteqarfissaq naalackersuisunit suliarineqarsimasoq atorlugu.

Imm. 2. Nalunaaruteqarfissaq taanna palaseqarfiup qinersinermi siulersuisuinut tunniunneqarsimassaaq kingusinnerpaamik nal. 12.00 qinersinissaq sapaatit akunnerinik marlunnik sioqqullugu.

§ 6. Qinigassanngortinniarluni immersukkami palaseqarfiup qinersisartuisa ilaat ikinnerpaamik tallimat amerlanerpaamillu qulit qinigassanngortitsisutut atsiorsimassapput.

Imm. 2. Qinigassanngortitsivimmi allassimassapput qinigassanngortitsisut aqqi, ulloq ukiorlu inuuiat, atorfiat najugaallu.

Imm. 3. Qinigassanngortitsisut ilaat ataaseq piginnaatinneqassaaq qinigassanngortitseqatini allat

tamaasa sinnerlugit qinigassanngortitsilluni immersugassaq pillugu saaf f iginnissutaasinnaasunik tiguisarnissamut.

**§ 7.** Qinersinnaasoq kinaluunniit qinigassanngortittunut arlalinnut qinigassanngortitsisuusinnaangilaq.

Imm. 2. Ilagiit sinniisuinut ilaasortassanik qinersinnaasut kisimik qinigassanngortitsisuusinnaapput.

**§ 8.** Qinigassanngortilluni nalunaarummi qinigassanngortittoq ataasiinnaq allassimassaaq. Qinigassanngortittut tamarmik immikkut marlunnik sinniisussaqaassapput.

Imm. 2. Qinigassanngortittunik nalunaaruteqarfimmi allattorsimassapput qinigassanngortittup sinniisussaasalu aqqi, ulloq ukiorlu inuuffii, atorfi najugaallu.

Imm. 3. Qinigassanngortittoq sinniisussaalu atsiornermikkut nalunaarsimassapput qinigassanngortinnerminnut sinniisussaanerminnullu akuersillutik.

Imm. 4. Qinersinnaallunilu qinigassanngortissinnaasoq ataaseq qinigassanngortittunut arlalinnut sinniisussaasinnaavoq. Qinigassanngortittoq qinigassanngortittunut allanut sinniisussaasinnaavoq.

**§ 9.** Qinigassanngortittunik nalunaarutit tunniunneqarfissaata naanerani qinersinermi siulersuisut aalajangissavaat nalunaarutit tiguneqartut atortussaassanersut. Qinigassanngortitanik nalunaarutit akuerineqartut nuutinneri piaartumik naalakkersuisunut nassiunneqaassapput.

Imm. 2. Qinigassanngortittup nalunaarutiginerani kukkuneqarpat qinersinermi siulersuisut qinigassanngortitsisut ullunik marlunnik piffissalissavaat kukkunerup iluarsineqarnissaanut.

**§ 10.** Qinigassanngortittunik nalunaarutiginninnissamut killiliussap naanerani qinigassanngortilluni immersugaq akuerisaq ataasiinnaq tiguneqarsimappat, tassani qinigassanngortittoq qinigaasutut naatsorsuunneqassaaq.

Imm. 2. Qinersinermi siulersuisut tamanna palaseqarfimmi ilagiit sinniisuinut provsteqarfimmilu ataatsimiititaliat suliassaannik ingerlatsisumut nalunaarutigissavaat.

**§ 11.** Qinigassanngortinniarluni piffissamut killiliussaq § 9-mi, imm. 2-mi taaneqartooq naappat qinigassanngortittut taak-kualu sinniisussaasa aqqi qinersinermi siulersuisut palaseqarfimmi ilagiit sinniisuinut provsteqarfimmilu ataatsimiititaliat suliassaannik ingerlatsisumut nalunaarutigissavaat.

## **Kapitali 2.**

### **Taasineq**

**§ 12.** Ilagiit sinniisuini siulittuisooq ilaasortarlunniit alla taassuma piginnaatitaa taasinnermi pisortaassaaq taasinnissallu piareersarneqarnissaa akisussaaffigissallugu.

Imm. 2. Taasinnermi pisortap isumagissavaa qinigassanngortittut sinniisussaasalu aqqi ineeqqami taasivissami immikkut allagarsiinikkut ilisimatitsissutigineqarnissaat.

Imm. 3. Taasineq pissaaq ilagiit sinniisuini ataatsimiinnermi.

Imm. 4. Provsteqarfimmi ataatsimiititalianut taasisinnaasut kisimik taasinnissaq siunertaralugu ataatsimiittunut peqataasinnaatitaapput.

**§ 13.** Taasinermi pisortap ilagiit sinniisuini taasineq siulersussavaa.

Imm. 2. Taasinissami atorneqassaaq taasivissaq immikkut ittoq kalaallisut qallunaatullu ima allannilik: "Provsteqarfimmi ataatsimiititalianut qinersineq".

Imm. 3. Qinersisup pappiara taasivigissavaa qinigassanngortitap provsteqarfimmi ataatsimiititaliamut qinigaatikkomasami aqqa allallugu. Tamatuma kingorna taasivik puusaanut ikissavaa.

Imm. 4. Taasineq naammassiniariarpat qinersinermi siulersuisup allakkat puui imm. 3-mi taaneqartut ataatsimut puusaanut ikissavai. Allakkat puuat taanna qinersinermilu atortussat atorneqarsimanngitsut piaartumik palaseqarfimmi qinersinermi siulersuisunut nassitutissavai.

**§ 14.** Qinersisinnaasoq taasisimasoq kina taasimanerlugu oqaatigissallugu pisussaangilaq.

### **Kapitali 3.**

#### **Qinersinerup nalunaarsuusiorneqarnera**

**§ 15.** Pappiara taasivik atortussaassanngilaq:

- 1) qinigassanngortittup ataatsip aqqa saniatigut allamik allaffigineqarsimaguni,
- 2) erseqqissumik aalajangerneqarsinnaanngippat qinigassanngortittoq sorleq qinersisup taaniaraluar! simaneraa,
- 3) allakkap puua matoqqasoq taasivissamik ataasiinnaanngitsumik imaqassagaluarpat,
- 4) isumaqarnassagaluarpat pappiara taasiviusimasoq I peqqussutit malillugit suliarineqarsimanngitsaq.

**§ 16.** Qinersinermi siulersuisut qinersineq nalunaarsuusiussavaat, qinersinerullu inerneru provsteqarfimmi ataatsimiititaliat suliassaannik ingerlatsisumut kiisalu palaseqarfimmi ilagiit sinniisuinut nalunaarutigissallugu.

**§ 17.** Palaseqarfiup provsteqarfimmi ataatsimiititalianut ilaasortassaatut qinigaassaaq qinigassanngortittoq amerlanerpaanit taaneqarsimasoq.

Imm. 2. Qinigassanngortittut arlallit amerlaqatigiinnik taaneqarsimappata siulittaasup tannermoortitsineratigut aalajangerneqassaaq taakkua ilaat sorleq qinigaanersoq.

**§ 18.** Qinersinerup atortussaaitaananut qinigassanngortittut qinersisinnaasullu maalaaruteqarsinnaapput. Maalaarut allaganngorlugu saqqummiunneqassaaq, naatsumik tungavilersorlugu, kingusinnerpaamik qinersereernermit ullut arfineq marluk qaangiutsinnagit qinersinermi siulersuisunut tunniunneqassalluni.

Imm. 2. Qinersinermi siulersuisut naammagittaalliut sapinngisamik piaartumik naalakkersuisunut ingerlateqqissavaat, oqaaseqaatigerusutaminnik ilallugu.

Imm. 3. Qinersinerit arlaanni annertuumik kukkusoqarsimappat naalakkersuisut qinersineq atortussaatinngissinnaassavaat, taasivinnilu tamani ilaannaanniluunniit qinerseqqinnissaq peqqussutigissallugu.

**§ 19.** Provsteqarfimmi ataatsimiititaliat suliassaannik ingerlatsisup provsteqarfimmi qinigaasut nalunaarsuusiussavai qinersinerullu inerneru naalakkersuisunut biskoppimullu nalunaarutigallugu.

§ 20. Palaseqarfimmi qinersinerup inenera nalunaarsorneqareeriparpat erniinnaq qinersinermi atortut tamaasa naalakkersuisunut nassiutissavaat.

#### **Kapitali 4.**

##### Aalajangersakkat assigiinngitsut

§ 21. Naalakkersuisut qinersinermi atortussiornissaq taakkuninngalu nassiussuinissaq aalajangersaaffigissavaat.

§ 22. Naalakkersuisut qinersinerup piareersarneqarnerani ingerlanneqarneranilu piginnaatinneqarput nalunaarummi aalajangersarneqarsimasunik allanngortitsisarnissamut, taamaaliornissaq pissutsit, ilaatigut silap qanoq innera, pissutigalugit pisariaqarsorinaraangat, tamatumani qinersinerup isertuussaanaera ingerlanneqarneratalu tamakkiisumik nakkutigineqarnera qulakkeersimajuarneqarsinnaappata.

§ 23. Pissutsit atuuttut najoqqutaralugit allanngortitsiallassinnaanerit naatsorsuutigalugit kapitalit 1-imiit 4-mut atorneqassapput palaseqarfiit tamarmik immikkut nuna tamakkerlugu ataatsimeersuarnissamut aallartitassaannik qinersineqassatillugu.

§ 24. Nalunaarut una atortuulerpoq 1. august 1994-imi.

Imm. 2. Provsteqarfinni ataatsimiititalianut qinersisoqaaqqaassaaq nalunaarutip atortuulernerata kinguninnguagut. Qinersinissami tassani nuna tamakkerlugu ataatsimeersuarnissamut aallatitassanik qinersisoqassanngilaq.

*Namminersornerullutik Oqartussat, ulloq 27. juni 1994*

Marianne Jensen

/

Aqissigiaq Møller